

10. november 2009

UKA 2009/126

Allanguutissatut siunnersuut

uunga

**Siunnersuut uunga: Naartunermi, meerartaarnermi qitornavissiartaarnermilu sulinnigiffeqarneq ullormusiaqarnerlu pillugit Inatsisartut inatsisaat nr. xx, xx-imeersoq**

Naalackersuisunit aappassaanneerpeqarnissaanut saqqummiunneqartoq.

§ 14-imut

**1. Imm. 1** imatut oqaasertalerneqassaaq:

”Meeqqanut inuusuttunullu ikiorsiisarneq pillugu Inatsisartut peqqussutaat naapertorlugu meeraq pingasut inorlugit ukiulik ilaqutariinnut paaqqutarineqartussanngortillugu inissin-neqarpat, kommunalbestyrelserip aalajangersinnaavaa, angajoqqaarsiannngortunit ataaseq meeqqap tiguneqarneranut atatillugu sulinnigiffeqassasoq.”

§ 19-imut

**2. Imm. 3** imatut oqaasertalerneqassaaq:

”Imm. 3. Soraarumeernermut peqataanissaq akuersaarneqarsinnaavoq, sulinnigiffeqarneq kipitin-ngikkaluarlugu.”

**3. Imm. 4** atorunnaarpoq.

§ 25-imut

**4. Imm. 2** imatut oqaasertalerneqassaaq:

”Imm. 2. Ullormusiat aningaasartaasa annertussusiat isumaginninnikkut aningaasanngorlugit ikiorsiissutaasartut pillugit kaajaallaasitami takuneqarsinnaavoq, taakku Isumaginninnermut Naalackersuisoqarfimmit

ikinnerpaammik ukiumut ataasiarlugit saqqummersinneqartarput. Kaajallaasitaq Naalakkersuisut nittartagaasigut tamanut saqqummiunneqassaaq."

#### § 45-imut

5. Imm. 1 imatut oqaasertalerneqassaaq:

“Inatsisartut inatsisartaat manna 1. marts 2010 aallarnerfigalugu atortuulerpoq.”

#### Siunnersuummut oqaaseqaatit

#### **Nalinginnaasumik oqaaseqaatit**

Inatsisartut inatsisissaattut siunnersuummut allannguutissatut siunnersuutip saqqummiunneqarnera pissuteqarpoq Inatsisitigut teknikkikkut Ingerlatsiviup inatsisissatut siunnersuummut inatsit teknikkikkut pillugu allakkiaqarnera pissutigalugu.

Allannguutissatut siunnersuut inatsit teknikkikkut misissuataarneqarnikuvoq.

Inatsisissatut siunnersuutip aningaasaqarnikkut kingunissai:

Inatsisissatut siunnersuutip aappariittut nalunaarsorneqarsimasut meerartaarnermi ullormusi-anik pissarsisinnaanissamut periarfissimmagit, Isumaginninnikkut Naalakkersuisoqarfiup nalilersimavaa, tamatumunnga aningaasartuutit annikitsuarsuussasut.

Aningaasartuuteqarnerusinnaaneq aningaasaliissutitut immikkoortitat iluanni akilerneqarsin-naavoq.

#### **Aalajangersakkanut ataasiakkaanut oqaaseqaatit**

#### *Nr. 1-imut*

Imm. 1 pillugu

Aalajangersagaq nutaajuvoq aalajangersarlugulu, meeqqanut inuusuttunullu ikiorsiisarneq pillugu Inatsisartut peqqussutaat naapertorlugu meeraq pingasut

inorlugit ukiulik ilaqutariinnut paaqqutarineqartussanngortillugu inissinneqarpat, kommunalbestyrelserip aalajangersinnaagaa, angajoqqaarsiannngortunit ataaseq meeqqap tiguneqarneranut atatillugu sulinngiffeqassasoq.

Naartunermi, meerartaarnermi qitornavissiarthaarnermilu sulinngiffeqarneq ullormusiaqarnerlu pillugit Inatsisartut peqqussutaanni atuuttumi ilaavortaaq, angajoqqaarsiat meeqqamik anger-larsimaffimminni tiguserannut atatillugu sulinngiffeqarnissaat aalajangissallugu periarfis-saqartoq.

Aalajangersagaq ilanngunneqarsimavoq meeqqap angajoqqaarsiaasullu piffissaqarnissaat qulakkeerniarlugu, meeqqamut angajoqqaarsiamiilernermini toqqissimanissaq pilersissin-naajumallugu.

Piomasagaataavoq, paqqutarinninnissamik inissiineq sivissussuseqassasoq sivikinnerpaamik ukiumik ataatsimik, takuuk imm. 3.

#### *Nr. 2-mut*

Imm. 3 pillugu

Aalajangersagaq nutaajuvoq aalajangersarlugulu, soraarummeernermit peqataanissaq akuer-saarneqarsinnaasoq, sulinngiffeqarneq kipitinngikkaluarlugu. Taamaalilluni periarfissiisoqar-poq soraarummeernermit peqataanissamut meerartaareernerup kingorna piffissaq apeqqutaa-tinnagu.

Aalajangersagaq ilanngunneqarsimavoq periarfissiiniarluni ilinniagaqarnerup ingerlatiin-narnissanut, taamaalilluni piffissaq ilinniagaqarfusoq sivitsorneqarani meerartaarnermi sulinngiffeqarnerup nalaani soraarummeernermit peqataanerinnaq pissutigalugu.

#### *Nr. 4-imut*

Imm. 2 pillugu

Aalajangersagaq nutaajuvoq aalajangersarlugulu, ullormusiat aningaasartaasa annertussusiat isumaginninnikkut aningaasanngorlugit ikiorsiissutaasartut pillugit kaajaallaasitami takune-qarsinnaasut, taakku Isumaginninnermut Naalackersuisoqarfimmit ikinnerpaammik ukiumut ataasiarlugit saqqummersinneqartarput. Innuttaasut ullormusiat aningaasartaasa annertussiat pillugu paasiniaasinnaanerat qulakkeerniarlugu, kaajallaasitaq Naalackersuisut nittartagaa-sigut tamanut saqqummiunneqassaaq.

#### *Nr. 5-imut*

Imm. 1 pillugu

Piffissaq atortuulersitsivik 1. marts 2010-iussaasoq aalajangersakkakut tassuuna erseqqissarneqarpoq.